



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**

Broj: 06-14-400-8/19  
Sarajevo, 04.12.2019. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14), člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14) i člana 91. stav (3) Pravilnika o unutrašnjoj organizaciji Kantonalne uprave civilne zaštite, na Preporuku Komisija za nabavku, broj: 06-14-400-6/19 od 03.12.2019. godine, u postupku javne nabavke roba: "Nabavka i isporuka vatrogasnog vozila - navalnog", direktor Kantonalne uprave civilne zaštite Kantona Sarajevo, d o n o s i

**ODLUKU**  
**O IZBORU NAJPOVOLJNIJEG PONUĐAČA**

**Član 1.**

Prihvata se Preporuka Komisija za nabavku, broj: 06-14-400-7/19 od 03.12.2019. godine i Ugovor o nabavci i isporuci vatrogasnog vozila - navalnog, dodjeljuje se izabranom ponuđaču, konzorcij: Firing d.o.o. Visoko i Mipex Auto RS d.o.o. Banjaluka prema ponudi broj: 871/19 dostavljenoj dana 27.11.2019. godine za ponudenu cijenu od 400.000,00 KM (slovima: četiristotinehiljada konvertibilnihmaraka) bez PDV-a, kao najpovoljnijem ponuđaču.

**Član 2.**

Izabrani ponuđač je dužan dostaviti original ili ovjerenu kopiju dokumenata iz člana 45. stav (1) tačka a) do d) i člana 47. Zakona o javnim nabavkama u roku od 5 (slovima: pet) dana, računajući od dana kada je obaviješten o izboru najpovoljnije ponude.

**Član 3.**

Prijedlog Ugovora o nabavci dostavit će se na potpis izabranom ponuđaču nakon isteka roka od 15 (slovima: petnaest) dana, računajući od dana kada su svi ponuđači obaviješteni o izboru najpovoljnije ponude.

**Član 4.**

Ova Odluka objavit će se na internet stranici Kantonalne uprave civilne zaštite Kantona Sarajevo (**www. kucz.ks.gov.ba**), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.



## Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

## Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## Obrazloženje

Postupak javne nabavke "Nabavka i isporuka vatrogasnog vozila - navalnog " pokrenut je Odlukom o pokretanju postupka javne nabavke broj: 06-14-400/19 od 25.09.2019. godine.

Javna nabavka roba: "Nabavka i isporuka vatrogasnog vozila - navalnog " je sprovedena putem Otvorenog postupka, postavljanjem TD na Portal javnih nabavki.

Kako je za predmetni postupak javne nabavke bilo predviđeno održavanje E-aukcije, a uvidom u Ponude je ustanovljeno da je samo jedna ponuda kvalifikovana i prihvatljiva za ugovorni organ, pa se prema članu 3. (3) Pravilnika o uslovima i načinu korištenja E-aukcije (SG BiH 66/16) E-aukcija ne može zakazati.

Procijenjena vrijednost javne nabavke (bez uključenog PDV-a) je do 400.000,00 KM. Obavještenje o nabavci je objavljeno na Portalu javnih nabavki broj: 282-1-1-60-3-29/19, dana 14.10.2019. godine.

Komisija za nabavku, imenovana je Odlukom broj: 06-14-400-1/19 od 25.09.2019. godine.

Komisija za javnu nabavku dostavila je Direktorcu Zapisnik o pregledu i ocjeni ponuda broj: 06-14-400-5/19 od 03.12.2019. godine, Preporuku o izboru najpovoljnijeg ponuđača broj: 06-14-400-6/19 od 03.12.2019. godine i Izvještaj o radu broj: 06-14-400-7/19 od 03.12.2019. godine, u postupku javne nabavke i isporuke vatrogasnog vozila - navalnog, a prema specifikaciji iz TD.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 (dvije) ponude,
- da su blagovremeno primljene 2 (dvije) ponude,
- da nije bilo neblagovremeno primljenih ponuda,
- da je ponuda ponuđača, konzorcij: Firing d.o.o. Visoko i Mipex Auto RS d.o.o. Banjaluka, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.
- da ponuda ponuđača, konzorcij: Financ d.o.o. Mostar BH & FLAMMIFER d.o.o. Ozalj-R Hrvatska u dijelu tenderske dokumentacije, tehničke karakteristike „vatrogasno vozilo – navalno“ (Aneks XI), koji se odnosi na tabelarni dio, isti nije propisno popunio i samim tim se odbacuje njihova ponuda u ovom postupku javne nabavke.
- da isti ponuđač, nije dostavio katalošku dokumentaciju iz koje se jasno vidi da ponuđena oprema zadovoljava sve zahtijevane tehničke karakteristike i samim tim se odbacuje njihova ponuda u ovom postupku javne nabavke.
- da isti ponuđač, u dijelu tenderske dokumentacije, nacrt ugovora (Aneks XII), isti nije propisno popunio i samim tim se odbacuje njihova ponuda u ovom postupku javne nabavke



U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom.

Uvidom u priloženu dokumentaciju, nesporno je da izabrani ponuđač sa ponudom u ukupnom iznosu od 400.000,00 KM (slovima: četiristotinehiljada konvertibilnihmaraka) bez PDV-a, prema kriteriju za izbor (najniža cijena) ispunjava sve uslove zadane u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke i člana 91. stav (3) Pravilnika o unutrašnjoj organizaciji Kantonalne uprave civilne zaštite, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



**DIREKTOR**  
*Samir Džihic*

#### **Dostavljeno:**

- Svim ponuđačima
- Sektoru za ekonomske poslove KUCZ KS
- Ministarstvo finansija Kantona Sarajevo
- a/a



